

**Razvojna banka Federacije
Bosne i Hercegovine
v.d. Predsjednik Uprave**

Broj: 4116-III/22
Sarajevo, 29.03.2022. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 3991-XI/22 od 25.3.2022. godine i člana 20. Statuta Razvojne banke Federacije Bosne i Hercegovine, u postupku nabavke robe – nabavka backup NAS uređaja za backup podatke Razvojne banke Federacije BiH, v.d. predsjednica Uprave Banke donosi

ODLUKU

**o izboru najpovoljnijeg ponuđača u postupku nabavke robe- nabavka backup NAS
uređaja za backup podatke Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 3991-XI/22 od 25.3.2022. godine i ugovor za nabavku robe- nabavka backup NAS uređaja za backup podatke Razvojne banke Federacije BiH dodjeljuje se ponuđaču R&S d.o.o. Sarajevo, Igmanska bb, 71320 Vogošća, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena okvirnog sporazuma iz člana 1. ove odluke, iznosi 6.980,00 KM bez PDV-a, što u konačnici, s uračunatim PDV-om, iznosi 8.166,60 KM.

Član 3.

Po okončanju roka za žalbu, ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđaču koji je sudjelovao u ovom postupku.

Član 5.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke nabavka backup NAS uređaja za backup podatke Razvojne banke Federacije BiH broj 2720-III/22 od 02.03.2022. godine, odobreno je pokretanje postupka predmetne nabavke za potrebe Razvojne banke Federacije BiH.

Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 7.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 02.03.2022. godine, broj obavještenja: 1011-7-1-76-3-9/22.

Odlukom Ugovornog organa broj 3286-III/22 od 14.03.2022. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane 3 (tri) pravovremeno pristigle ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)	Ukupna cijena s PDV-om (u KM)
1.	NEXIS d.o.o. Sarajevo Mehe Smailagić 76, Sarajevo	14.03.2022. u 10:00 h	7.000,00	0,00	7.000,00	8.190,00
2.	PING d.o.o. Sarajevo, Jukićeva 36, Sarajevo	17.03.2022. u 10:10 h	7.000,00	0,00	7.000,00	8.190,00
3.	R&S d.o.o. Sarajevo Igmanska bb, Vogošća	17.03.2022. u 10:13 h	6.980,00	0,00	6.980,00	8.166,60

Na osnovu izvršene analize i ocjene pristiglih ponuda, Komisija je utvrdila sljedeće:

- Ponude ponuđača PING d.o.o. Sarajevo i R&S d.o.o. Sarajevo su prihvatljive,
- Ponuda ponuđača NEXIS d.o.o. Sarajevo nije prihvatljiva iz sljedećih razloga:

Navedeni ponuđač je uz predmetnu ponudu dostavio izjave o ispunjenosti uslova iz člana 45. i člana 52. Zakona o javnim nabavkama BiH (Aneks III i Aneks IV) koje nisu ovjerene u skladu sa Zakonom.

Naime, u izjavama (Aneks III i Aneks IV) koje se ovjeravaju kod nadležnog organa upisani su podaci odgovornog lica-direktora, koji je izjavu dao, potpisao, a koja je po osnovu punomoći ovjerena u Općini Novi Grad od strane drugog lica.

Obzirom da izjavu daje ovlašteno lice u pravnom licu to je ponuđač bio dužan u svrhu dokaza o ispunjenosti uslova dostaviti izjavu ovjerenu kod nadležnog organa u formi i na način koji propisuje Agencija podzakonskim aktom. Izjave o ispunjavanju uslova iz člana 45. i 52. Zakona o javnim nabavkama BiH daje i potpisuje ovlaštena osoba koja predstavlja ponuđača. Takvu izjavu potvrđuje nadležni organ u skladu sa članom 3. Zakona o ovjeravanju potpisa, rukopisa i prepisa (Službeni list SR BiH broj 37/71, 39/85 i 42/89):

„Za dokaz istinitosti potpisa potrebno je da podnosilac isprave pred ovlaštenim službenim licem svojeručno potpiše ispravu ili da izjavi da je potpis, koji se nalazi na ispravi, njegov potpis. „

Shodno naprijed navedenom, može se nedvojbeno utvrditi da je ponuđač uz ponudu dostavio izjave iz člana 45. i 52. Zakona o javnim nabavkama koje nisu propisne ovjerene od strane nadležnog organa uprave, u smislu da su na obrascu izjave navedeni podaci osobe koja daje i potpisuje izjavu, a koja je ovlaštena za zastupanje ponuđača, dok je ovjeru potpisa kod nadležnog tijela izvršila druga osoba, opunomoćenik, te je prilikom ovjere utvrđen identitet na osnovu lične karte koja se razlikuje od lične karte osobe navedene u samom obrascu izjave.

Napomena: U slučaju da izjavu daje i potpisuje drugo lice u ime ponuđača po punomoći, te kao takvu ovjerava kod organa Uprave, u sastavu ponude potrebno je da se nalazi original ili ovjerena kopija punomoći ukoliko je potpisnik ponude lice ovlašteno po punomoći od strane ovlaštenog zastupnika ponuđača (kako je navedeno u tački 17. tenderske dokumentacije kao i u tački 11.1. tenderske dokumentacije kojom je jasno definisano da „Izjava mora biti popunjena, potpisana od strane odgovornog lica ponuđača ili lica ovlaštenog za podnošenje ponude (u tom slučaju u sastavu ponude dostaviti original ili ovjerenu kopiju ovlaštenja/punomoći).....“, što se, u konkretnom slučaju nije desilo.

Također, navedeni ponuđač u svrhu dokazivanja sposobnosti obavljanja profesionalne djelatnosti dostavio je Rješenje o registraciji od 21.03.2019. godine, a što je u suprotnosti sa tačkom 12.1 tenderske dokumentacije. Naime, traženi dokument se uz ponudu dostavlja kao original ili ovjerena kopija dokumentacije ne starija od tri mjeseca od dana dostavljanja ponude, s tim što datum izdavanja originalnog dokumenta – aktualnog izvoda ne smije biti stariji od tri mjeseca od dana dostavljanja ponude.

Imajući u vidu prethodno navedeno, a u skladu sa članom 68. Stav (4) tačka i) Zakona o javnim nabavkama Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

S obzirom da je tenderskom dokumentacijom predviđeno zakazivanje e-aukcije, u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16), za ponuđače koji su dostavili prihvatljive ponude zakazana je e-aukcija za petak, 25.03.2022.godine sa početkom u 10:10 sati. Predviđeno je da će e-aukcija trajati 10 minuta.

E-aukcija je počela u 10:10 sati a završila u 10:20 sati.

Rangiranje prihvatljivih ponuda prema kriteriju za izbor ponude (najniža cijena) nakon provedene e-aukcije.

R. Br.	Ponuđač	Ukupna cijena ponude (bez PDV-a) u KM	Rangiranje
1.	R&S d.o.o. Sarajevo	6.980,00	1
2.	PING d.o.o. Sarajevo	7.000,00	2

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Imajući u vidu sve prethodno navedeno, a u skladu sa Zapisnikom i preporukom Komisija za javne nabavke ponuda ponuđača R&S d.o.o. Sarajevo, sa cijenom u iznosu 6.980,00 KM bez PDV-a (8.166,60KM s PDV-om), prema kriteriju za izbor ponude (najniža cijena) ocijenjena prihvatljivom, te ispunjava uslove i zahtjeve predviđene konkurentskim zahtjevom za dostavu ponuda, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. Predsjednica Uprave

Doc. dr. sci. Mersiha Slipičević, dipl. oec.

Dostaviti:

- Učesnicima u postupku